



REPUBLIKA E KOSOVËS / REPUBLIKA KOSOVA

GJYKATA THEMELORE GJAKOVË - DEGA E GJYKATËS RAHOVEC

Numri i lëndës: 2023:124977  
Datë: 06.06.2024  
Numri i dokumentit: 05791524

**P.nr.2023:124977**

## NË EMËR TË POPULLIT

**GJYKATA THEMELORE GJAKOVË-DEGA RAHOVEC, Departamenti i Përgjithshëm-Divizioni penal**, me gjyqtarin e vetëm gjykues Lulzim Paçarizi, si dhe sekretaren juridike Behije Karaçica, në çështjen penale ndaj të akuzuarit N.K, për shkak të veprës penale Posedimi i pa autorizuar i narkotikëve, substancave psikotrope ose analoge nga neni 269 par.1 të KPRK-së, ndërsa sipas aktakuzës PP/II.nr.731/22 të dt. 01.06.2023, pas mbajtjes të shqyrtimit fillestar, të dt.31.05.2024, ku prezent ishin Prokuroria e shtetit Uridia Caka, i akuzuari N.K, me dt. 04.06.2024, shpallë, ndërsa me dt.04.06.2024, e përpilon këtë:

## AKTGJYKIM

**I AKUZUARI: N.K**, nga i ati S dhe e ëma Sh lindjes Sh, i lindur më datën ..., në fshatin Zoqishtë komuna Rahovec, ku edhe banon, me nr. personal ....., shqiptar, shtetas i R Kosovës, i martuar, i ati i 1 fëmije, ka të kryer shkollën fillore, punëtor, i gjendjes së dobët ekonomike.

## ËSHTË FAJTOR

Me dt.22.03.2022, rreth orës 21;10, në fsh.Zoqishtë, K. Rahovec, duke vepruar në kundërshtim me nenin 9 dhe 14 të Ligjit për Barnat Narkotike, Substanca Psikotrope dhe Prekusore Nr.02/L-128, pa autorizim ka poseduar substancë narkotike të llojit marihuanë, në atë mënyrë që pas një kontrole rutinore ana e zyrtarëve Policor ndaj personave dhe veturave, të pandehurit në automjetin W, me targa ....., nën ulësen e shoferit, i gjendet substanca narkotike, e cila pas ekzaminimit laboratorik ne Agjencinë e Kosovës për Forenzikë, ka rezultuar të jetë marihunë me peshë 0.444 gram, e cila është sekuestruar nga hetuesit e DHTN-së.

- Me këto veprime ka kryer veprën penale Posedimi i paautorizuar i narkotikëve, substancave psikotrope ose analoge nga neni 269 par. 1 të KPRK-së.

Andaj gjykata konform nenit 4, 7, 17, 38, 39, 43, 46, 47, 48, 49, 69, dhe nenit 269 par.1, të KPRK-së si dhe nenit 364 të Kodit të Procedurës Penale të Kosovës, të njëjtin e shqipton:

## G J Y K O N

Ashtu që e gjykon me dënim me gjobë **800 (tetëqind) euro**, të cilën shumë i akuzuari është i obliguar që ta paguaj në xhirollogarinë e kësaj gjykate në afat prej 30 ditësh pas plotfuqishmërisë së këtij aktgjykimi, në të kundërtën nëse dënimi i shqiptuar me gjobë nuk paguhet në afatin e cekur, i njëjti do të zëvendësohet me dënimin me burgim në kohëzgjatje prej katër dhjetë (40) ditëve, duke llogaritur çdo ditë të filluar burgimi me nga njëzet euro (20),

- si dhe me dënimin me burgim me kusht në kohëzgjatje prej **1 (një) viti**, ndërsa gjykata dënimin e shqiptuar me burgim nuk do ta ekzekuton në afatin kohor prej **2 (dy) viteve**, nga dita e plotfuqishmërisë së këtij aktgjykimi nëse i akuzuari nuk kryen vepër të re penale.

**URDHËROHET** Shërbimi Sprovues i Kosovës në Gjakovë që ta mbikëqyrë dhe ta ekzekutojë dënimin me kusht, ashtu që **OBLIGOHET** i akuzuari që të mbajë kontaktin me Shërbimin Sprovues të Kosovës në Gjakovë.

Konform nenit 269 par.3 të KPRK-së të akuzuarit i shqiptohet dënimi plotësues ashtu që i konfiskohet substanca narkotike e llojit kanabis (marihuanë) që përmban Tetrahidrokanabinol (THC) me peshë 0.44 gramë.

Obligohet i akuzuari në emër të paushallit gjyqësor gjykatës t'ia paguajnë shumën prej njëzet euro (20), në emër të viktimave të krimit shumën prej njëzet euro (20), ndërsa shpenzime procedurale nuk ka pasur të gjitha këto në afat prej 15 ditësh nga dita e plotfuqishmërisë së këtij aktgjykimi, në të kundërtën ekzekutimi do të behet me detyrim.

### A r s y e t i m

#### 1. Ecuria e procedurës penale

Prokuroria Themelore në Gjakovë, me aktakuzën PP/II.nr.731/22 të dt. 01.06.2023, e ka akuzuar N.K, për shkak të veprës penale penale posedimi i pa autorizuar i narkotikëve, substancave psikotrope ose analoge nga neni 269 par.1 të Kodit Penal të Republikës së Kosovës, duke i propozuar gjykatës që pas mbajtjes së shqyrtimit fillestar si dhe administrimit të provave, të akuzuarin ta shpall fajtor dhe ta dënoj në bazë të ligjit.

Gjykata ka mbajtur seancën e shqyrtimit fillestar me dt.16.04.2024, ku prezent ishin Prokuroria e shtetit Uridia Caka, i akuzuari N.K andaj ka pasur kushte për mbajtjen e shqyrtimit fillestar.

Prokuroria e Shtetit Uridia Caka me rastin e leximit të aktakuzës ka bërë përmirësimin në dispozitiv të aktakuzës në rreshtin e 3-të , ashtu që në vend të ...pa autorizim ka poseduar substancë narkotike të llojit heroinë" duhet të jete „**pa autorizim ka poseduar substancë narkotike të llojit marihuani**".

I akuzuari N.K deklarohet i fajshëm për veprën penale për të cilën ngarkohet, për të cilën jam penduar thellë, andaj kërkoj falje, dhe i di që në atë kohë kam pasur problem me dhëmbët ku kam qenë duke i mjekuar, ku kam pasur dhimbje të mëdha dhe e kam përdorur, e di që kam gabuar andaj kërkoj që të merren parasysht të gjitha rrethanat lehtësuese me rastin e shqiptimit të dënimit që të më shqiptohet një dënim sa më i butë ku i premtoj gjykatës që në të ardhmen do të jem më i kujdesshëm që mos të kryej kurrfarë vepre penale.

Prokurori i Shtetit Uridia Caka ka deklaruar se nuk e kundërshton pranimin e fajësisë të bërë nga i akuzuari meqenëse i njëjti pranimin e fajësisë e ka bërë me vullnet duke e ditur natyrën dhe pasojat e pranimit të fajësisë si dhe pranimi i fajësisë mbështetet në faktet e çështjes, provat materiale dhe personale, në bazë të cilave është ngritur kjo aktakuzë e që nuk përmban asnjë shkelje ligjore apo gabime faktike andaj i propozoj gjykatës që të aprovoj pranimin e fajësisë të bërë nga i akuzuari si dhe në rastin e caktimit të llojit dhe lartësisë së dënimit propozoj që për ketë të akuzuar gjykata si rrethane lehtësuese të ketë pranimin e fajësisë ndërsa si rrethane renduese dashjen e tij që të posedoj narkotik dhe rrezikshmërinë shoqërore të veprës penale të posedimit të narkotikëve, dhe i akuzuari të shpallët fajtor, të dënohet sipas ligjit si dhe të obligohet në kompensimin e shpenzimeve procedurale si dhe konform nenit 269 par.3 të KPRK-së propozoj që të konfiskohet substanca narkotike e përshkruar si ne dispozitiv të pikës III të aktakuzës.

## 2. Vlerësimi i pranimit të fajësisë

Gjykata gjendjen e këtillë faktike e ka vërtetuar nga vet pranimi i fajësisë nga i akuzuari i cili në shqyrtimin fillestar vullnetarisht ka pranuar fajësinë, për shkak të cilës gjykata nuk ka administruar provat, gjykata ka ardhur në përfundim se pranimi i fajësisë nga i akuzuari është bërë në pajtim me nenin 242 të KPPRK-së. Gjatë pranimit të fajësisë gjyqtari i vetëm gjykues konstatoj se i akuzuari i ka kuptuar natyrën dhe pasojat e pranimit të fajit, pranimi është bërë vullnetarisht nga i akuzuari, pranimi i fajit mbështetet në faktet e çështjes që përmban aktakuza, në materialet e prezantuara nga Prokurori i Shtetit dhe çdo provë tjetër dhe se aktakuza nuk përmban asnjë shkelje të qartë ligjore ose gabime faktike.

## 3. Gjendja faktike e vërtetuar.

Duke u bazuar në këto që u ceken me lart gjyqtari i vetëm gjykues ka vërtetuar këtë gjendje faktike:

-Se i akuzuari N.K ka kryer veprën penale posedimi i pa autorizuar i narkotikëve, substancave psikotrope ose analoge nga neni 269 par.1 të Kodit Penal të Republikës së Kosovës, në kohën, vendin dhe mënyrën e përshkruar si në dispozitiv të këtij aktgjykimi.

Gjendjen e këtillë faktike e mori në tërësi ashtu siç ishte përcaktuar në aktakuzë dhe në provat të cilat i përmbante aktakuza, e ato janë;

- Raporti i oficerit B.B dt.22.03.2022;
- Raporti i oficerit R.B, dt.22.03.2022;
- Raporti i ekspertimit lëshuar nga Agjencia e Kosovës për Forenzikë, me nr.AKF/2022-1140/2022-1017, dt.08.04.2022;
- Deklarata e të pandehurit dhënë në polici me dt.22.03.2022 si dhe deklarata e dhënë në prokurori me dt.14.04.2022;
- Deklarata e dëshmitarit E.K, dt.22.03.2022;
- Deklarata e dëshmitarit A.K, dt.22.03.2022;
- Fotografitë si dhe shkresat tjera në lëndë.

#### 4. Elementet e veprës penale

Në nenin 269 par.1 të KPRK-së parashihet: *Kushdo që pa autorizim posedon narkotikë, substanca psikotrope apo analoge, dënohet me gjobë dhe me burgim prej një (1) deri në tre (3) vjet.*

#### 5. Vendimi i gjyqtarit të vetëm gjykues.

Duke u bazuar në këto që u ceken me lart gjyqtari i vetëm gjykues të akuzuarin N.K, e ka shpallur fajtor për veprat penale për të cilat ngarkohet, nga se në veprimet e tij të përshkruara si në dispozitiv të aktgjykimit, formohen të gjitha elementet e veprës penale shpërdorim i pasurisë së huaj nga neni 269 par.1, të KPRK-së, për këtë ka vendosur që të akuzuarin ta gjykoj në bazë të ligjit, e me parë duke vërtetuar përgjegjësinë penale juridike të tij.

#### 6. Rrethanat që janë marrë për bazë me rastin e shqiptimit të dënimit

Me rastin e marrjes së vendimit mbi dënimin ndaj të akuzuarit, gjykata vlerësoi të gjitha rrethanat në kuptim të dispozitave të nenit 69 të KPRK-së (kodi nr. 06/L074), të cilat ndikojnë në caktimin e llojit dhe lartësisë së dënimit, prej rrethanave lehtësuese gjykata ka vlerësuar rrethanat personale të akuzuarit, pranimin e fajësisë, ka një punëtori të vogël si mekanik, jeton me familjen 6 anëtarsh, është mbajtës i familjes, i gjendjes së dobët ekonomike është i ati i dy fëmijëve, pendimin e tij, premtimin se në të ardhmen nuk do të kryej kurrfarë vepre penale, ndërsa si rrethanë rënduese gjykata mori faktin se i njëjti ka qenë i dënuar edhe me parë sipas Aktgjykimit të Gjykatës Themelore Prizren dega Suharekë P.nr. 140/22 i plotfuqishëm me dt. 16.08.2022, (sipas evidencës penale), andaj gjykata ka ardhur në përfundim se me dënimin me gjobë prej 800 € (tetëqind) euro të cilën shumë i akuzuari është i obliguar që ta paguaj 30 ditë pas plotfuqishmërisë së aktgjykimit, si dhe me dënimin me kusht në kohëzgjatje prej 1 (një) viti burgim, i cili dënim nuk do të ekzekutohet nëse i akuzuari brenda kohës së verifikimit në afat prej 2 (dy) viteve nuk kryen ndonjë vepër tjetër penale, duke konsideruar se me dënimin e shqiptuar ndaj të akuzuarit mund të arrihen qëllimet e dënimit si në kuptim të nenit 38 të KPRK-ës të cilat konsistojnë në parandalimin e të akuzuarit nga kryerja e veprave penale dhe rehabilitimin e tij, parandalimin e personave të tjerë nga kryerja e veprave penale, shprehjen e gjykimit shoqëror për veprën penale dhe ngritjen e moralit dhe forcimin e detyrimit për respektimin e ligjit.

7. Konfiskimi i substancës narkotike

Vendimi mbi konfiskimin e substancës narkotike është marrë konform nenit 269 par. 3 të KPRK-së.

8. Vendimi për shpenzimet e procedurës penale.

Vendimi paushallin gjyqësor dhe shpenzimet e procedurës penale është marrë konform nenit 449 par.1 dhe 2 të KPPK-së, ndërsa vendimi në emër të kompensimit të viktimave të krimit është marr konform nenit 39 parg.3 nënparagrafi 3.1 të Ligjit nr.05/L036 për kompensimin e viktimave të krimit.

Me sa u tha me lart u vendos si në dispozitiv të këtij aktgjykimi e konform nenit 364 të Kodit të Procedurës Penale të Kosovës.

**GJYKATA THEMELORE GJAKOVË-DEGA RAHOVEC**  
**Departamenti i Përgjithshëm-Divizioni Penal**  
**P.nr.2023:124977, me dt.04.06.2024.**

**Sekretarja juridike**  
Behije Karaçica

**Gjyqtari i vetëm gjykues**  
Lulzim Paçarizi

**UDHËZIMI JURIDIK:** Kundër këtij aktgjykimi është e lejuar ankesa në afat prej 30 ditësh, nga dita e marrjes së të njëjtit, nëpërmes kësaj gjykate, për Gjykatën e Apelit në Prishtinë.